



Afkoma fyrsta ársfjórðungs 2019

Íslandsbanki hf.

Helstu atriði í afkomu Íslandsbanka á fyrsta ársfjórðungi ársins 2019 (1F19)

- Hagnaður eftir skatta var 2,6 ma. kr. (1F18: 2,1 ma. kr.) og arðsemi eigin fjár var 5,9% á ársgrundvelli (1F18: 4,8%).
- Hagnaður af reglulegri starfsemi var 2,7 ma. kr. (1F18: 2,9 ma. kr.) og arðsemi eigin fjár af reglulegri starfsemi miðað við 16% eiginfjárlutfall þáttar 1 (CET1) var 6,7% á ársgrundvelli (1F18: 8,0%).
- Hreinar vaxtatekjur voru 8,2 ma. kr. (1F18: 7,7 ma. kr.) sem er 5,3% hækkun á milli ára og var vaxtamunur 2,8% (1F18: 2,9%).
- Hreinar þóknatekjur voru 3,2 ma. kr. (1F18: 2,8 ma. kr.) sem er 15,8% hækkun frá 1F18.
- Virðisbreyting útlána var neikvæð um 919 m.kr. á tímabilinu samanborið við að vera jákvæð um 88 m.kr. á 1F18.
- Stjórnunarkostnaður jókst um rúm 3,5% á milli ára og nam 7,1 ma. kr. (1F18: 6,9 ma. kr.).
- Kostnaðarhlutfall samstæðu á tímabilinu var 62,6% samanborið við 69,8% á sama tímabili í fyrra, á meðan kostnaðarhlutfall móðurfélags var 58,1% sem er lítillega yfir 55% langtímamarkmiði bankans.
- Útlán til viðskiptavina jukust um 3,2% (26,9 ma. kr.) og námu 874 ma. kr. í lok mars. Ný útlán á fyrstu þremur mánuðum ársins voru 51,3 ma. kr. og dreifðust vel á milli viðskiptaeininga bankans.
- Innlán frá viðskiptavinum hækkðu um 5,6% eða 32,3 ma. kr. frá áramótum og námu 611 ma. kr. í lok mars.
- Lausafjárstaða bankans er sterk bæði í íslenskum krónum og erlendum gjaldmiðlum og vel umfram kröfur eftirlitsaðila og innri viðmið. Eiginfjárlutföll eru sterk og í takti við langtíma-markmið bankans.

Lykiltölur

		1F19	4F18	3F18	2F18	1F18
REKSTUR	Arðsemi eigin fjár 16% CET1 (af reglulegri starfsemi) ¹	6,7%	5,3%	8,1%	11,1%	8,0%
	Arðsemi eigin fjár (eftir skatta)	5,9%	3,2%	4,7%	11,6%	4,8%
	Vaxtamunur (af heildareignum)	2,8%	3,0%	3,0%	2,8%	2,9%
	Kostnaðarhlutfall ²	62,6%	68,5%	62,1%	65,0%	69,8%
	Hagnaður eftir skatta, ISK m	2.589	1.404	2.111	5.033	2.097
	Hagnaður af reglulegri starfsemi, ISK m ³	2.653	2.144	2.928	3.881	2.881
		31.3.2019	31.12.2018	30.9.2018	30.6.2018	31.3.2018
EIGIÐ FÉ	Eigið fé samtals, ISK m	173.621	176.313	174.630	172.182	166.337
	Eiginfjárlutfall þáttar 1	19,1%	20,3%	19,9%	20,5%	20,3%
	Eiginfjárlutfall	20,9%	22,2%	21,7%	21,6%	21,4%
	Vogunarlutfall	13,5%	14,6%	14,0%	14,5%	14,3%
EFNAHAGUR	Eignir samtals, ISK m	1.205.228	1.130.403	1.162.639	1.111.742	1.088.308
	Útlán til viðskiptavina, ISK m	873.530	846.599	835.582	799.938	776.149
	Innlán frá viðskiptavinum, ISK m	611.303	578.959	608.646	578.414	575.196
	Innlán frá viðskiptavinum / útlán til viðskiptavina	70,0%	68,4%	72,8%	72,3%	74,1%

1. Hagnaður af reglulegri starfsemi sem hlutfall af CET1 16% eigin fé, leiðréttur fyrir áhættulausum vöxtum á umfram eigið fé.

2. Reiknað sem: (stjórnunarkostnaður + framlag í Tryggingasjóð innstæðueigenda og fjárfesta – einskiptisliðir) / (Heildarrekstrartekjur – einskiptisliðir).

3. Hagnaður af reglulegri starfsemi er skilgreindur sem hagnaður að undanskildum einskiptiskostnaði, til dæmis bankaskatti, auk annarra óreglulegra tekna og kostnaðar.

Birna Einarsdóttir, bankastjóri Islandsbanka

Fyrsti ársfjórðungur einkenndist af áframhaldandi kröftugum útlánavexti og myndarlegri aukningu í vaxta- og þóknatekjum og nam hagnaður bankans 2,6 ma. kr. sem er í takti við áætlanir.

Staða bankans er afar traust, lausafjárlutföll í erlendum og innlendum gjaldmiðlum yfir innri mörkum og kröfum eftirlitsaðila og eiginfjárlutföll í takt við langtíamarkmið. Lánasafnið er sterkt og koma gæði þess vel út í alþjóðlegum samanburði.

Það gladdi mig hversu vel síðasta skuldabréfaboð bankans upp á 300 milljónir evra gekk á erlendum mörkuðum og það er ljóst að bankinn og íslenskt efnahagslíf njóta áframhaldandi trausts á erlendra fjárfesta.

Íslandsbanki hélt áfram að kynna nýjar stafrænar lausnir fyrir viðskiptavinum sína í byrjun árs 2019. Sem dæmi hafa lausnirnar „Lán í appi“ og „Velkomin í viðskipti“ hlotið frábærar viðtökur viðskiptavina og er bankinn rétt að byrja á þessari vegferð. Ný skýrsla bankans um ferðabjónustu var kynnt í síðustu viku og hefur hún hlotið mikla athygli enda er ljóst að þjóðfélagið á mikið undir að vel takist til með þessa mikilvægu atvinnugrein.

Ný stefna bankans var kynnt fyrir starfsfólki í lok mars og var hún unnin með alþjóðlega ráðgjafarfyrtækinu Boston Consulting Group. Ég er sannfærð um að ný stefna muni gera bankann enn betur í stakk búinn til að takast á við breyttan bankaheim og munum við leggja áherslu á innleiðingu hennar á næstunni.

Framhaldið er spennandi fyrir okkur í Íslandsbanka þar sem við ætlum okkur að vera hreyfiafl til góðra verka og hafa jákvæð og uppbyggileg samfélagsáhrif en jafnframt halda áfram að veita viðskiptavinum okkar bestu bankabjónustu á Íslandi.

Helstu atriði úr rekstri fyrsta ársfjórðungs (1F19)

- Íslandsbanki hlaut viðurkenningu sem fyrirmyndarfyrirtæki í stjórnarháttum frá Rannsóknarmiðstöð um stjórnarhætti sjötta árið í röð.
- Íslandsbanki var með átta tilnefningar til Lúðursins ásamt því að vera tilnefndur til Árunnar, árangursríkasta auglýsingaherferðin fyrir Reykjavíkumaraþon Íslandsbanka.
- Nýjar stafrænar lausnir voru kynntar: „Velkomin í viðskipti“ og „Lán í appi“ en þær hafa báðar hlotið frábærar viðtökur viðskiptavina. Auk þess var viðskiptavinum bankans gert kleift að borga snertilaust með snjallúrum frá Garmin og Fitbit út um allan heim í posum sem bjóða snertilausa virkni.
- Ný stefna bankans var kynnt fyrir starfsmönnum í mars og jafnframt tilkynnt um enn frekari áherslu á virka samfélagsábyrgð og sjálfbærni en bankinn mun framvegis styðja sérstaklega við fjögur af heimsmarkmiðum Sameinuðu þjóðanna: #4 Menntun fyrir alla, #5 Jafnrétti kynjanna, #9 Nýsköpun og uppbygging, og #13 Aðgerðir í loftslagsmálum.
- Sem hluti af stuðningi bankans við heimsmarkmiðin, var ákveðið að hætta að gefa plast- og gjafavörur til barna- og unglinga til að sporna við mengun og sóun.
- Íslandsbanki hlaut faggilta jafnlaunavottun, en meginmarkmið slíkrar vottunar er að vinna gegn kynbundnum launamun og stuðla að jafnrétti kynjanna á vinnumarkaði.
- Nýr vefur Íslandsbanka fór í loftið í janúar. Vefurinn hefur verið endurhannaðar og forritaður frá grunni í samstarfi við Kolibri og Brandenburg. Öll ásjáend vörumerkis bankans hefur verið uppfærð síðustu mánuði og vefurinn endurspeglar það nýja viðmót.
- Aðalfundur Íslandsbanka var haldinn í mars þar sem samþykkt var að 5,3 ma. kr. af hagnaði ársins 2018 yrðu greiddir í arð til hluthafa. Einnig urðu breytingar í stjórn bankans þegar Tómas Már Sigurðsson var kjörinn nýr í stjórn í stað Helgu Valfells, sem óskaði ekki eftir endurkjöri.
- Tilkynnt var um að Íslandsbanki eigi ánægðustu viðskiptavinina á bankamarkaði fyrir árið 2018 samkvæmt niðurstöðu Íslensku ánægjuvogarinnar. Þetta var sjötta árið í röð sem bankinn hlýtur þessa viðurkenningu.

REKSTRARREIKNINGUR

ISK m	1F19	1F18	Δ	4F18	Δ	2018
Hreinar vaxtatekjur	8.152	7.740	412	8.294	(142)	31.937
Hreinar þóknatekjur	3.217	2.778	439	3.478	(261)	12.227
Hreinar fjármunatekjur	448	(283)	731	(637)	1.085	(962)
Hreinn gengismunur	(30)	(10)	(20)	76	(106)	1
Aðrar rekstrartekjur	1.144	13	1.131	120	1.024	1.784
Rekstrartekjur samtals	12.931	10.238	2.693	11.331	1.600	44.987
Laun og launatengd gjöld	(4.051)	(3.926)	(125)	(4.047)	(4)	(15.500)
Annar rekstrarkostnaður	(3.039)	(2.924)	(115)	(3.418)	379	(12.150)
Stjórnunarkostnaður	(7.090)	(6.850)	(240)	(7.465)	375	(27.650)
Framlag í Tryggingarsjóð innstæðueigenda og fjárfesta	(312)	(292)	(20)	(299)	(13)	(1.173)
Sérstakur skattur á fjármálafyrirtæki	(880)	(785)	(95)	(740)	(140)	(3.281)
Rekstrargjöld samtals	(8.282)	(7.927)	(355)	(8.504)	222	(32.104)
Hagnaður fyrir virðisbreytingu fjáreigna	4.649	2.311	2.338	2.827	1.822	12.883
Hrein virðisbreyting fjáreigna	(919)	88	(1.007)	(297)	(622)	1.584
Hagnaður fyrir skatta	3.730	2.399	1.331	2.530	1.200	14.467
Tekjuskattur	(1.153)	(1.015)	(138)	(1.118)	(35)	(4.734)
Hagnaður af áframhaldandi starfsemi	2.577	1.384	1.193	1.412	1.165	9.733
Hagnaður af aflagðri starfsemi, að frádregnum tekjuskatti	12	713	(701)	(8)	20	912
Hagnaður tímabilsins	2.589	2.097	492	1.404	1.185	10.645

Töluverð hækkun á heildartekjum miðað við sama tímabil í fyrra

- Heildartekjur á fyrsta fjórðungi ársins hækkuðu um 26% á milli ára og námu 12,9 ma. kr.
- Hreinar vaxtatekjur voru 8,2 ma. kr. sem er hækkun um 5,3% á milli ára sem skýrist aðallega af aukningu í útlánnum. Vaxtamunur var 2,8% sem er sambærilegt við fyrra tímabil. Þess er vænst að vaxtamunur haldist rétt undir 3,0% til skamms og meðallangs tíma.
- Hreinar þóknatekjur voru 3,2 ma. kr. í samanburði við 2,8 ma. kr. fyrir sama tímabili í fyrra sem er hækkun um 15,8% á milli ára. Skýrist þetta meðal annars vegna hærri þóknana í tveimur af dótturfélögum bankans.
- Tekjur af grunnstarfsemi (hreinar vaxta- og þóknatekjur) mynda um 88% af heildarrekstrartekjum á fyrstu þremur mánuðum ársins. Bankinn leggur áfram ríka áherslu á að viðhalda sterkum grunntekjum og stöðugu tekjustreymi til lengri tíma.
- Hagnaður af hreinum fjármunatekjum var 448 m.kr. á fyrstu þremur mánuðum ársins samanborið við tap upp á 283 m.kr. á 1F18.
- Aðrar rekstrartekjur námu 1,1 ma. kr. á 1F19 samanborið við 13 m.kr. á 1F18 og eru aðallega tilkomnar vegna samkomulags bankans við gamla Byr um virði útlánasafns þess síðarnefnda við yfirtöku Íslandsbanka á Byr árið 2011.

Kostnaðarhlutfall fer lækkandi og móðurfélag færist nær 55% markmiðinu

- Stjórnunarkostnaður jókst um 240 m.kr. frá 1F18 sem samsvarar 3,5% hækkun. Hækkunin skýrist einkum af samningsbundnum launahækkunum.
- Fjöldi starfmannna í móðurfélagi fyrir utan árstíðabundna starfsmenn var 834 í lok fyrsta ársfjórðungs (1F18: 856) og 1.078 hjá samstæðunni (1F18: 1.040) fyrir samsvarandi tímabil.
- Kostnaðarhlutfall samstæðu í lok mars var 62,6% samanborið við 69,8% á sama tíma 2018 en bankaskattur og einskiptiskostnaður eru undanskilin við útreikning kostnaðarhlutfalls. Kostnaðarhlutfall móðurfélags var 58,1% sem er lítillega yfir 55% langtíma markmiði bankans.
- Hagnaður af aflagðri starfsemi eftir skatta var 12 m.kr. á 1F19 samanborið við 713 m.kr. á 1F18.

Neikvæð virðisbreyting útlána endurspeglar breyttar efnahagshorfur

- Hrein virðisbreyting útlána var neikvæð um 919 m.kr. á fyrstu þremur mánuðum ársins samanborið við 88 m.kr. jákvæða virðisbreytingu á 1F18. Þessi breyting er að mestu tilkomin vegna uppfærslu á efnahagsforsendum í reiknilíkani bankans sem byggir á nýlegum alþjóðlegum reikningsskilastaðli IFRS 9 en þar er tekið tillit til versnandi efnahagshorfa.

Skattar og gjöld hafa áfram mikil áhrif á hagnað og arðgreiðslugetu

- Tekjuskattur fyrsta ársfjórðungs 2019 var 1,1 ma. kr. samanborið við 1,0 ma. kr. á 1F18. Virkur tekjuskattur var 30,9%, samanborið við 42,2% á 1F18. Bankaskatturinn var 880 m.kr. á 1F19 samanborið við 785 m.kr. á 1F18. Bankaskatturinn jókst verulega árið 2013 vegna hækkunar sem þá var kynnt sem tímabundin ráðstöfun en samkvæmt langtímaáætlunum ríkisins er áformað að lækka skattinn smám saman úr 0,376% í 0,145% fram til 2023. Bankinn greiðir sérstakan 6% fjársýsluskatt á hagnað umfram 1 ma. kr. ásamt því að greiða framlag í Tryggingarsjóð innstæðueigenda og fjárfesta, til Fjármálaeftirlitsins (FME) og til umboðsmanns skuldara. Framlag í Tryggingarsjóð innstæðueigenda og fjárfesta á fyrstu þremur mánuðum ársins nam 312 m.kr., lítillega hærra en á fyrra ári. Heildarskattar og gjöld voru 2,9 ma. kr. á 1F19 samanborið við 2,4 ma. kr. á 1F18.

Enginn sameiginlegur alþjóðlegur mælikvarði varðandi lán með laskað lánshæfi eftir innleiðingu IFRS 9

- Í kjölfar innleiðingar á alþjóðlega reikningsskilastaðlinum IFRS 9, hefur ekki náðst sameiginlegur skilningur á milli banka um hvernig eigi að skilgreina mælikvarða fyrir gæði útlánasafns. Það er því krefjandi að bera saman lánabók bankans við aðrar lánastofnanir og greina sögulega þróun þar sem mælikvarðar sem mismunandi bankar birta eru oftast en ekki ósamanburðarhæfir. Evrópska bankaeftirlitsstofnunin (EBA) hefur skilgreint mælikvarða sem er hlutfall lána með laskað lánshæfi af vergu bókfærðu virði heildarlánabókar. Hér merkir laskað lánshæfi að annaðhvort er lántaki með lán í yfir 90 daga vanskilum eða að það er mat bankans að ólíklegt sé að lántaki muni standa í skilum. Í lok mars 2019 stóð þetta hlutfall hjá Íslandsbanka í 2,0% miðað við 3,6% vegið meðaltal hjá evrópskum bönkum (miðað við lok árs 2018). Ef miðað er við gæði lánasafns fyrir útlán til viðskiptavina, var vanskilahlutfall 1,7% í lok mars (hreint bókfært virði).

Hagnaður tímabilsins í takt við væntingar bankans

- Hagnaður eftir skatta var 2,6 ma. kr. (1F18: 2,1 ma. kr.) og arðsemi eigin fjár á fyrstu þremur mánuðum ársins var 5,9% á ársgrundvelli (1F18: 4,8%) og var það í takt við væntingar bankans. Hagnaður af reglulegri starfsemi var 2,7 ma. kr. (1F18: 2,9 ma. kr.) og arðsemi eigin fjár af reglulegri starfsemi miðað við 16% eiginfjárlutfall þáttar 1 (CET1) 6,7% á fyrstu þremur mánuðunum á ársgrundvelli samanborið við 8,0% á 1F18. Hagnaður af reglulegri starfsemi dróst saman um 229 m.kr.

EFNAHAGSREIKNINGUR

Eignir – áframhaldandi stöðugur vöxtur útlána til viðskiptavina og stærri efnahagsreikningur

- Efnahagsreikningur bankans stækkaði um 6,6% og nam 1.205 ma. kr. í lok mars 2019. Útlán til viðskiptavina jukust um 3,2% eða 26,9 ma. kr. á fyrstu þremur mánuðum ársins. Útlánaaukningin var þvert á viðskiptaeiningar bankans en mest til stærri fyrirtækja. Húsnæðislán jukust um 6,3 ma. kr. frá árslokum 2018. Ný útlán voru 51,3 ma. kr. á tímabilinu samanborið við 42,3 ma. kr. á sama tíma í fyrra sem er 21,3% hækkun. Útlán til ferðaþjónustu hafa haldist óbreytt sem hlutfall af vel dreifðu heildarlánasafninu frá árslokum 2018 eða um 12%.
- Útlán eru almennt með traust veð og eru fasteignir ennþá mikilvægasta tegund trygginga bankans auk skipa. Vegið meðaltal veðsetningarhlutfalls (LTV) húsnæðislánasafns bankans var 61% í lok mars 2019 samanborið við 61% í lok árs 2018. Veðsetningarhlutfall bankans var 17,1% í lok mars 2019 samanborið við 18% í lok árs 2018.
- Þrír liðir, handbært fé og innstæður hjá SÍ, skuldabréf og skuldagerningar og útlán til lánastofnana nema samtals u.þ.b. 275 ma. kr.

EGNIR, m.kr.	31.3.2019	31.12.2018	Δ
Handbært fé og innstæður hjá SÍ	129.039	135.056	(6.017)
Skuldabréf og skuldagerningar	80.809	69.415	11.394
Hlutabréf og eiginfjárgerningar	15.268	13.074	2.194
Afleiðusamningar	4.837	4.550	287
Útlán til lánastofnana	65.145	41.577	23.568
Útlán til viðskiptavina	873.530	846.599	26.931
Fjárfestingar í hlutdeildarfélögum	682	682	-
Rekstrarfjármunir	9.642	5.271	4.371
Óefnislegar eignir	4.868	5.002	(134)
Aðrar eignir	21.408	9.177	12.231
Eignir	1.205.228	1.130.403	74.825

Skuldir – fjölbreytt fjármögnunarstefna

- Heildarskuldir námu 1.032 ma. kr. sem er 8,1% hækkun frá áramótum. Bankinn viðhélt sterkri lausafjárstöðu í bæði íslenskum krónum og erlendum gjaldmiðlum og voru lausafjárlutföll vel umfram kröfur eftirlitsaðila og innri viðmið.
- Í lok mars var lausafjárlutfall (LCR) 158% fyrir samstæðuna í öllum gjaldmiðlum, 93% í íslenskum krónum fyrir samstæðuna og 144% fyrir móðurfélagið í öllum gjaldmiðlum. Hlutfall stöðugar fjármögnunar (NSFR) var 115% fyrir samstæðuna í öllum gjaldmiðlum og 166% fyrir samstæðuna í erlendum gjaldmiðlum.
- Innlán frá viðskiptavinum jukust um 5,6% á fyrstu þremur mánuðum ársins í 325 ma. kr. Innlán eru stærsti fjármögnunarliður bankans og er vel fylgst með samþjöppunaráhættu. Þessi hækkun er aðallega vegna innflæðis frá lífeyrissjóðum, frá meðalstórum fyrirtækjum og einstaklingum. Hlutfall innlána viðskiptavina á móti útlánum til viðskiptavina hækkaði í 70,0% í lok mars, samanborið við 68,4% í lok árs 2018.


SKULDIR OG EIGIÐ FÉ, m.kr.	31.3.2019	31.12.2018	Δ
Innlán SÍ og lánastofnana	16.404	15.619	785
Innlán viðskiptavina	611.303	578.959	32.344
Aflleiðusamningar og skortstöður	7.325	5.521	1.804
Lántaka	325.035	300.976	24.059
Víkjandi lán	16.468	16.216	252
Skattskuldir	8.303	7.150	1.153
Aðrar skuldir	46.769	29.649	17.120
Skuldir	1.031.607	954.090	77.517
Eigið fé	173.621	176.313	(2.692)
Skuldir og eigið fé	1.205.228	1.130.403	74.825

- Á fyrsta ársfjórðungi ársins 2019 gaf bankinn út fimm skuldabréf fyrir 11,5 m. evra, 650 m. sænskra króna og 1,4 ma. norskra króna frá 18 mánuðum til 5 ára.
- Bankinn var með farsæla skuldabréfaútgáfu í byrjun apríl 2019 með útgáfu á 300 m. evra skuldabréfi á 130 punkta álagi yfir þriggja mánaða millibankavöxtum í evrum. Mikil eftirspurn var eftir útgáfunni en samhliða henni keypti bankinn til baka 300 milljónir evra af 500 milljóna evra skuldabréfi sem er á gjalddaga árið 2020. Jákvæð áhrif hlutust af þessum aðgerðum þar sem álag á eftirmarkaði fyrir nýja 300 m. evra skuldabréfið hefur lækkað um rúmlega 30 punkta auk þess sem endurgreiðsluferill bankans til langtíma lengist.


Eigið fé

- Heildar eigið fé bankans nam 173,6 ma. kr. í lok mars 2019 samanborið við 176,3 ma. kr. í árslok 2018, þar af er hlutdeild minnihluta 2,4 ma. kr. Á aðalfundi bankans í mars 2019 var samþykkt að greiða 5,3 milljarða króna af hagnaði ársins 2018 í arð til hluthafa. Nafnvirði hlutabréfa bankans var 10 ma. kr. í lok mars 2019 og hlutfé var 65 ma. kr.
- Eiginfjárlutfall bankans var 20,9% í lok mars 2019 samanborið við 22,2% í lok árs 2018 sem er í takt við langtímamarkmið bankans. Eiginfjárlutfall þáttar 1 (Tier 1) var 19,1% í lok mars samanborið við 20,3% í lok árs 2018. Í lok árs 2018 lækkaði Fjármálaeftirlitið heildarkröfu um eiginfjárgrunn úr 19,8% í 18,8% fyrir Íslandsbanka sem er til marks um að heldur hafi dregið úr áhættu bankans.
- Í ljósi breytinga á eiginfjárröfu og efnahagsumhverfi þá hefur bankinn ákveðið að aðlaga stjórnunaraukann úr 0,5-1,5% í 0,5-2,0%. Nýlega tilkynnti Fjármálaeftirlitið að sveiflujöfnunarauki yrði hækkaður um 0,5 prósentustig, í 1,75% og mun sú hækkun taka gildi í maí 2019.


Áhættuvegnað eignir á móti heildareignum
(ma. kr.)



Vogunarhlutfall



Eiginfjárlutfall



- Íslandsbanki notar staðalaðferð til að meta áhættuvegnað eignir sem námu 886,9 ma. kr. í lok mars 2019, eða 73,6% af heildar eignum sem er lækkun um 1,2% frá lok árs 2018. Vogunarhlutfall í lok mars var 13,5%, samanborið við 14,6% í lok árs 2018 sem telst hóflegt. Áhættuleiðrétt eiginfjárlutfall (Risk adjusted capital (RAC)) hlutfall bankans var 20,9% í lok árs 2018.

Lánshæfismat

- Íslandsbanki er með lánshæfismat frá alþjóðlega lánshæfismatsfyrirtækinu S&P Global Ratings.
- Í október 2017 hækkaði S&P lánshæfismat Íslandsbanka í BBB+/A-2 með stöðugum horfum og staðfesti matið í júlí 2018.

FJÁRFESTATENGSL

Símafundur með fjárfestum á ensku kl. 14.00

Símafundur með markaðsaðilum vegna uppgjörs verður haldinn fimmtudaginn 9. maí kl. 14.00. Farið verður yfir helstu atriði í íslenskum efnahagsmálum og afkomu bankans. Fundurinn verður á ensku.

Vinsamlegast skráið ykkur á símafundinn með því að senda póst á: ir@islandsbanki.is. Fundargögn og aðgangsorð vegna símafundar verða send út til skráðra aðila fyrir fundinn.

Frekari upplýsingar

Öll gögn tengd uppgjöri ásamt upplýsingum um fjárhagsdagatal og þögul tímabil má finna hér: <https://www.islandsbanki.is/is/flokkur/bankinn/fjarfestatengsl>

Fjárhagsdagatal

Stefnt er að birtingu árshlutauppgjöra á neðangreindum dagsetningum:

- Árshlutauppgjör 2F19 - 31. júlí 2019

- Árshlutauppgjör 3F19 - 30. október 2019

Athugið að dagsetningar eru birtar með fyrirvara um breytingar